



## ХАЛҚИМИЗНИ РОЗИ ҚИЛИШ УЧУН ЯНГИ ҚИРРАЛАРНИ, ЯНГИ ИМКОНИЯТЛАРНИ ТОПИШИМИЗ ЗАРУР



### Президентимиз Шавкат Мирзиёев 25 июнь куни Тошкент шаҳрида амалга оширилаётган бунёдкорлик ва ободонлаштириш ишлари, корхоналар фаолияти билан танишди.

Пойтахтимизда йўл ҳаракати хавфсизлигини таъминлаш, тирбандликларнинг олдини олиш, пиёдалар учун қулайлик яратиш мақсадида кўплаб кўприк ва йўл ўтказгичлар бунёд этилмоқда.

Бундан бир йил олдин давлатимиз раҳбари Сергели туманини пойтахтимиз маркази билан боғловчи йўл ва кўприк лойиҳаси билан танишган эди. Ўтган йили 26 декабрь куни ушбу йўлнинг муҳим қисми бўлган Қипчоқ кўчасидаги кўприк очилди. Бугунги кунда ушбу кўприкдан Чўпонота кўчасига янги йўл ва йўл ўтказгичлар барпо этилмоқда.

Кичик ҳалқа йўли ва Салар канали устида қурилаётган кўприкнинг узунлиги 788 метр, қиқш-тушиш қисми билан ҳисоблаганда 950 метр бўлади.

Давлатимиз раҳбари дастлаб ушбу кўприкни бориб кўрди.

Ўзига хос муҳандислик ечимига эга бу иншоот монолит услубида, бетон аралашмаси ичидаги темир тўқималарни таранг тортиш технологияси асосида бунёд этилмоқда. Бу хавфсиз бўлиши билан бирга қуриш учун жуда қулай. Хусусан, бу ердаги ишлар ҳам Кичик ҳалқа йўли ва темир йўлдаги қатновни тўхтатмаган ҳолда давом эттирилмоқда.

— Бу арзон, мустаҳкам, халқимизга ҳам маъқул технология. Келажакни ҳисобга олиб, ҳали кўп жойда кўприклар қурамыз. Шунинг учун мутахассислар ва талабаларни бу ерга олиб келиб, жараёни кўрсатиш, замонавий технологияларни ўргатиш керак, — деди Шавкат Мирзиёев.

Ушбу кўприкдан Қипчоқ кўчасигача 6 километр йўл қурилмоқда. Тошкент ҳалқа автомобиль йўли билан кесишган жойда туннель бўлади. Шу тариқа, пойтахтимизнинг Чилпонзор туманидаги Чўпонота кўчаси ва Сергели туманидаги Қипчоқ кўчаси самарали боғланади.



Давоми 2-бетда

## Ўзбекистон Республикаси Президентининг ҚАРОРИ

### 2021 йилда Токио шаҳрида (Япония) бўлиб ўтадиган XXXII Ёзги Олимпия ва XVI Паралимпия ўйинларида Ўзбекистон спорт делегациясининг иштирокини таъминлаш ҳамда Олимпия спорт турларини янада ривожлантириш чора-тадбирлари тўғрисида

Жорий йилда Токио шаҳрида (Япония) бўлиб ўтадиган ёзги Олимпия ва Паралимпия ўйинларида Ўзбекистон спортчиларининг ҳар томонлама тайёргарлиги ва муваффақиятли иштирокини таъминлаш, уларда олтин, кумуш ва бронза медалларини қўлга киритган спортчиларни моддий қўллаб-қувватлаш, шунингдек, мамлакатимизда Олимпия ва Паралимпия ҳаракатларини янада ривожлантириш мақсадида:

1. 2021 йилда Токио шаҳрида (Япония) бўлиб ўтадиган XXXII ёзги Олимпия ва XVI Паралимпия ўйинларида (кейинги ўринларда — Олимпия ва Паралимпия ўйинлари) иштирок этадиган

Ўзбекистон спорт делегацияси таркиби 1-иловага мувофиқ тасдиқлансин.

2. Туризм ва спорт вазирлиги (А.Абдухакимов), Ўзбекистон Миллий олимпия қўмитаси (Р.Шаабдурахманов), Ўзбекистон Миллий паралимпия қўмитаси (М.Ташходжаев) зиммасига қуйидаги вазифаларни бажариш юклансин:

Олимпия ва Паралимпия ўйинларида қатнашиш ҳуқуқини берувчи лицензияни қўлга киритган спортчилар учун ўқув-машғулот йиғинларининг якуний bosқичини самарали ва сифатли ташкил этиш;

Олимпия ва Паралимпия ўйинларида Ўзбекистон

спорт делегацияси аъзоларининг иштирок этиши учун уларни спорт анжомлари (шу жумладан, махсус спорт анжомлари), расмий либос ва спорт экипировкаси билан таъминлаш;

Маданият вазирлиги, Ташқи ишлар вазирлиги, Тошкент шаҳар ҳокимлиги билан биргаликда Олимпия ва Паралимпия ўйинларида Ўзбекистон спорт делегацияси аъзоларининг иштирокини таъминлаш учун уларни кузатиш, жойлаштириш, тантанали равишда кутиб олиш тадбирларини ташкиллаштириш.



Давоми 3-бетда


## МУНОСАБАТ

### ОЛИЙ ТАЪЛИМДАГИ ЯНГИЛИКЛАР халқ манфаати ва розилигига эришишни назарда tutади

**Абдуқодир ТОШҚУЛОВ,**  
олий ва ўрта махсус таълим вазири

Бугун олий таълимдаги ислохотларга ҳар бир юртдошимиз дахлдорлик ҳисси билан қараяпти. Жумладан, Президентимизнинг яқинда эълон қилинган “2021/2022 ўқув йилида Ўзбекистон Республикасининг олий таълим муассасаларига ўқишга қабул қилишнинг давлат буюртмаси параметрлари тўғрисида”ги қарори ҳам халқимиз томонидан мамнуният билан қабул қилинди.

Ёшларни олий таълимга қамраб олиш ҳақида сўз борганида бугунги ютуқларимиздан кўнгли тулади. Масалан, 2016 йилда мамлакатимиз бўйича 50-60 мингга яқин йилгит-қиз талабалик бахтига мушарраф бўлган бўлса, бугунга келиб, бу кўрсаткич 170 мингга ташкил этмоқда. Бу ўтган йилларга нисбатан уч баробар кўп дегани. Бу рақамга имтиёзликлар, табақалаштирилган контракт асосида ўқишга қабул қилинадиганлар рўйхати киритилмаган. Кўрсаткичлар ҳали яна ошади.



Давоми 3-бетда

## Ўзбекистон Республикаси Президентининг ФАРМОНИ

### МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИ КУНИ МУНОСАБАТИ БИЛАН СОҶА ХОДИМЛАРИДАН БИР ГУРУҲИНИ МУКОФОТЛАШ Тўғрисида

Мамлакатимизда сўз ва матбуот эркинлиги, очиқлик ва ошкоралик тамойилларини мустаҳкамлаш, фуқароларнинг ахборот соҳасидаги конституциявий ҳуқуқларини таъминлаш бўйича амалга оширилаётган демократик ўзгаришлар жараёнларига қўшаётган катта ҳиссаси, глобал ахборот майдонида миллий манфаатларимизни ҳимоя қилиш, янги Ўзбекистонни барпо этиш йўлида эришилаётган ютуқларни кенг тарғиб этишдаги муносиб хизматлари, замонавий журналистика тизимлари учун юксак малакали профессионал кадрларни тайёрлаш, ёш авлодни она Ватанга муҳаббат ва садоқат руҳида тарбиялаш борасидаги самарали фаолияти ҳамда ижтимоий ҳаётдаги фаол иштироки учун қуйидагилар фахрий унвон, орден ва медаллар билан мукофотлансин:

“Ўзбекистон Республикасида хизмат кўрсатган журналист” фахрий унвони билан

Мелибоев Ахмаджон — “Жаҳон адабиёти” журнали бош муҳаррири

“Ўзбекистон Республикасида хизмат кўрсатган ёшлар мураббийси” фахрий унвони билан

Қирғизбоев Муқимжон — Ўзбекистон журналистика ва оммавий коммуникациялар университетининг ижтимоий-гуманитар фанлар кафедраси мудири

“Ўзбекистон Республикасида хизмат кўрсатган маданият ходими” фахрий унвони билан

Олимов Султонмурод Ҳошимович — “Тафаккур” журнали бўлим мудири

“Меҳнат шўхрати” ордени билан

Абдуғаппарова Умида Муратовна — Ўзбекистон Ёзувчилар уюшмаси аъзоси, шоира

Болтабоева Ўғилхон Набижановна — Ўзбекистон Миллий телерадиокомпанияси “O‘zbekiston 24” телеканалининг

Наманган вилояти бўйича муҳбири Джумаев Равшанхон Эргашович — “UzReport” ахборот агентлиги бош директори

Ёдгоров Эркин Хусенович — “Бухоронома” ва “Бухарский вестник” газеталари бўлим муҳаррири, Бухоро вилояти Жумақул Абдирасул Пардаевич — “Хуррият” мустақил газетаси бош муҳаррири

Михайлов Виктор Владимирович — “Nuz.uz” веб-сайти бош муҳаррири

Убайдуллаев Шараф Ортикович — “Нуроний” жамғармасининг Республика бошқаруви раиси ўринбосари

Усмонова Гулчехра — Иштихон тумани “Иштихон овози” газетаси муҳаррири, Самарқанд вилояти

Усмонова Фарида — Ўзбекистон Журналистлари ижодий уюшмаси аъзоси, ёзувчи

Шерназаров Ахмадали Мустафақуллович — “Халқ сўзи” газетасининг Сирдарё вилояти бўйича муҳбири

“Дўстлик” ордени билан

Абибуллаев Дауит Есемуратович — Ўзбекистон Миллий ахборот агентлигининг Қорақалпоғистон Республикаси бўйича шарҳловчиси



Давоми 2-бетда

## 27 ИЮНЬ — МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИ КУНИ

Ўтган 3 йил ичида сўз эркинлигига, ОАВ, журналист ва блогерларнинг эркин фаолият юритишлари учун кенг имкониятлар яратилди. Бундан кейин ҳам уларга ана шундай замин яратамиз! Мен профессионал журналистларни ҳамisha ва ҳар томонлама қўллаб-қувватлашга тайёрман.

Шавкат МИРЗИЁЕВ,  
Ўзбекистон Республикаси Президенти

## ҲАР БИР ЖУРНАЛИСТ ЭЪТИБОР ВА ҲИМОЯДА

Кейинги йилларда ўзбек журналистикасидаги туб бурилиш, сезиларли силжишлар сўз эркинлигининг амалда таъминланаётганидан далолатдир. Бугун ким билан гаплашсанг, ўзбек журналистикаси фаолияти кейинги йилларда анча жонланганини таъкидлайди. Тўғри, соҳада ҳали ечимини қутаётган муаммолар йўқ эмас. Ўз ваколатидан тўлақонли фойдалана олмайётган, хизмат доирасида турли таълиқларга дуч келаётган журналистлар ҳам бор. Уларнинг ҳуқуқларини ҳимоя қилиш, хизмат вазифасини эмин-эркин адо этиши учун бугун юртимизда давлатимиз раҳбари ташаббуси билан тизимли ишлар олиб борилмоқда.

Матбуот ва оммавий ахборот воситалари ходимлари кунни арафа-



Давоми 5-бетда



